

FAQ
PA STUDIANTE DI HULANDA KARIBENSE (CN)
KU TA BAI STUDIA NA HULANDA PA MENOS KU 3 AÑA
I/ÒF
TIN KONTRA-INDIKASHON

1. Kada studiante di CN ta haña un Burgerservicenummer (BSN) i kiko eksaktamente esei ta enserá?

*Entrante e aña aki, tur studiante di CN ta haña un BSN (number di serviso sivil). Bo BSN ta bo propio number personal pa kontakto ku gobièrnu. **Paga atenshon:** bo tin mester di e number aki pa hopi kos importante, por ehèmpel pa habri un kuenta di banko òf inskribí den e munisipal Hulandes kaminda bo ta bai biba.*

2. Kon mi ta optené mi burgerservicnummer?

*Rijksdienst Identificatie resién a manda kada studiante ku a optené finansiamente di estudio di DUO un karta, konteniendo e number di BSN. Si bo no a risibí e karta aki ainda, bo por yama DUO pa pidi bo number di BSN via number di telefòn **00 31 505 997 755**. **Hasi esaki promé ku bo sali di bo isla!***

3. Pa e aña di estudio 2024/2025 ami komo studiante di CN despues di kaba skol na Boneiru, Sint Eustatius òf Saba ta bai Hulanda pa kontinuá mi estudio. E estudio ta dura ménos ku 3 aña: ki tipo di seguro médiko mi mester sera e ora ei i ken ta paga e seguro médiko ei?

*Si bo ta bai studia na Hulanda pa ménos ku 3 aña i/òf tin kontra-indikashon (mira pregunta 4 aki bou), bo no tin "verzekeringsplicht" (obligashon di seguro). Den e kaso ei i ZJCN lo regla i paga un seguro **Masterplan +** pa bo via InsureToStudy. Si bo no tin verzekering, bo **no** por sera un basiszorgverzekering. Solamente si bo bai traha, bo ta bai tin verzekering **tog** i lo bo mester sera un basiszorgverzekering denter di 4 luna.*

4. Kiko ta kontra-indikashonnan?

Kontra-indikashonnan ta sirkunstansia ku ta pone ku no ta konsiderá bo un residente.

Por ehèmpel:

- *Ora e pais di orígen ta paga e gastunan di bida kompletamente;*
- *E pais di orígen ta paga e gastunan di estudio kompletamente;*
- *Ora ta bai e pais di orígen bèk ku hopi regularidat.*

Solamente si tin duda tokante posibel kontra-indikashon, bo mester hasi un petishon pa un prueba Wet-langdurige-zorg (Wlz) serka SVB.

5. Ki ora mi mester sera un basiszorgverzekering tòg?

Si bo ta bai biba na Hulanda pa un periodo di **menos ku 3** aña i bo ta traha banda di bo estudio, lo bo tin "verzekeringsplicht" i lo bo tin obligashon di sera un basiszorgverzekering

6. Mi no tin "verzekeringsplicht" (obligashon di seguro). Kiko mi mester hasi pa sera un seguro di Masterplan+?

Mas pronto posibel, bo mester indiká na Zorgverzekeringskantoor (ofisina di seguro médiko) ku bo ta un "no-residente". Bo ta hasi esaki dor di manda 1 di e siguiente informashonnan pa nos:

-un deklarashon di skol aktualisá di 2024-2025 pa bo estudio na nivel di MBO, HBO, òf universitario, for di kua ta bin dilanti ku bo ta bai studia na Hulanda pa ménos ku tres aña.

Manda esaki mas pronto posibel via meil pa StudentenBES@zorgverzekeringskantoor.nl, huntu ku bo:

- fam, nòmbernan dilanti, fecha di nasementu, lugá di nasementu i number di sédula;
- bo informashon di kontakto manera bo adrès na Hulanda, bo kódigo postal, bo number di telefòn i bo meil;
- bo prueba di registrashon serka un skol, estudio MBO òf HBO òf universidat, i;
- e fecha ku bo a kanselá bo inskripshon for di den registro sivil na Boneiru, Sint Eustatius òf Saba.

E ora ei, denter di sinku (5) dia di trabou nos lo manda bo un formulario di registrashon plùs un formulario di apoderashon. Bo mester yena e formularionan aki, pone fecha, firma, i manda nan bèk pa e meil aki riba. E ora ei nos lo sòru pa bo ta sigurá entrante dia promé di e luna aktual via e seguro Masterplan+ di InsureToStudy.

7. Komo estudiante di Hulanda Karibense, kiko InsureToStudy lo manda pa mi si mi tin un seguro Masterplan+ kaba?

E ora ei, via meil bo ta risibí e Pólisa, e Kondishonnan, i e Bista general di Kobertura. Si bo no a risibí un meil den promé instansia, nos ta konsehá bo pa wak den bo fail di meil no deseá si e meil di InsureToStudy no por a resultá eiden komo SPAM. Si bo no a risibí un meil di InsureToStudy, bo por tuma

kontakto ku nan tokante esaki dor di manda un meil pa info@insuretostudy.com.

8. Ki tipo di seguro e seguro Masterplan+ di InsureToStudy ta?

E seguro Masterplan+ ta mas ku djis un seguro médiko, pasobra entre otro e ta un seguro di responsabilidadat sivil i un seguro di biahe tambe. Mira Anekso 1 Foyeto di Kobertura MasterPlan+ pa un bista general global di kiko ta kai bou di bo seguro awor.

Paga tinu sí, ku ta trata di un seguro di deklará. Esei ta nifiká ku bo mes mester paga tur gastu médiko ku bo hasi promé, ku eksepshon di kuido na hospital, i ku despues bo por deklaré serka InsureToStudy. Tambe ta konsehabel pa lesa e kondishonnan eksakto den e pólisa bon pa evitá posibel desapunto pa loke ta trata e kompensashonnan. Nos ta referí bo na Terms and Conditions (Kondishonnan) MMP+2022 pa esaki.

9. Ora mi tin un seguro Masterplan+, mi por traha banda di mi estudio?

Si, bo tin mag di traha. Pero paga tinu: *na momentu ku bo ta traha na Hulanda i nan ta kita impuesto riba sueldo (loonbelasting) pa esaki, bo tin e obligashon pa sera un seguro médiko básiko hulandes, i bo por pidi supsidio adishonal pa seguro médiko (zorgtoeslag) pa esaki.*

10. Ki ora mi ta kore peliger di haña un but?

*Solamente si bo tin obligashon di seguro, por ehempel pasobra bo ta traha na Hulanda) i bo no tin un seguro di kuido, e Centraal Administratie Kantoor (CAK) hulandes ta manda bo un karta tokante esaki promé. Si bo no sera un seguro médiko hulandes denter di 3 luna despues di e fecha riba e karta aki, bo ta haña un but di **€496,74** (na 2024). Ademas si bo no a sera un seguro médiko hulandes denter di 3 luna despues di e promé but, bo ta **bolbe haña un but di €496,76 Euro.***

Pa informashon aktualisá tokante e tópiko aki nos ta referí bo na e wèpsait <https://www.hetcak.nl/regelingen/regeling-onverzekerden>.

11. Kiko mi mester hasi ora mi stòp di studia na Hulanda?

Si bo stòp ku bo estudio, bo mester mèldu esaki dor di manda un meil pa StudentenBES@zorgverzekeringskantoor.nl hasiendo menshon di bo number di sédula i e fecha ku bo a stòp ku bo estudio. E ora ei, entrante e fecha ei, nos ta para bo seguro Masterplan+. Tene kuenta sí ku ora bo stòp di studia pero bo ke sigui biba na Hulanda, bo tin e obligashon di sera un seguro médiko básiko hulandes.

12. Kiko ta e informashon di kontakto di InsureToStudy?

InsureToStudy B.V.
POB 97640
2509 GA Den Haag (Hulanda)
Telefòn : 0031-702051860
Meil : info@insuretostudy.com
Wèpsait : www.insuretostudy.com

13. Kiko ta e informashon di kontakto di Zorgverzekeringslijn?

Zorgverzekeringslijn
Het Rond 6D
3701 HS Zeist
Postbus 291
3700 AG Zeist
Telefòn
-Yamando di Hulanda Karibense +31 88 900 6 960
-Yamando di Hulanda Europeo 0800-6464644
Meil: info@zorgverzekeringslijn.nl
Wèpsait: <https://www.zorgverzekeringslijn.nl/jouw-situatie/buitenland/je-komt-uit-het-buitenland-en-gaat-studeren-in-nederland/je-komt-uit-bonaire-saba-of-sint-eustatius-en-studeert-in-nederland/>.

14. Unda mi por akudí si mi tin mas pregunta?

<https://www.zorgverzekeringslijn.nl/jouw-situatie/buitenland/je-komt-uit-het-buitenland-en-gaat-studeren-in-nederland/je-komt-uit-bonaire-saba-of-sint-eustatius-en-studeert-in-nederland/>

i/òf:

Tur studiante i mayor (di kriansa) di Hulanda Karibense por manda nan pregunta via meil pa StudentenBES@zorgverzekeringskantoor.nl. Nos ta hasi esfuerso pa kontestá e meil denter di sinku (5) dia di trabou.

Sigui lesa na página 5.

LISTA DI SPLIKASHON DI TÉRMINO

BSN (burgerservice nummer) òf number sivil di servisio

Bo BSN ta bo propio number personal pa kontakto ku gobièrnu. Paga atenshon: bo tin mester di e number aki pa hopi kos importante, por ehèmpel pa habri un kuenta di banko òf inskribí den e munisipal Hulandes kaminda bo ta bai biba.

CAK (Centraal Administratie Kantoor) – E organisashon ku ta responsabel pa finansiamentu di e instansianan di Wlz i p’esei CAK ta kontrolá si siudananon ta kumpli ku nan obligashon legal komo residente di tin un seguro médiko básiko hulandes.

DigiD – Un DigiD ta un prueba di identifikashon digital personal (den forma di un number). Na Hulanda bo mester tin un DigiD pa identifiká bo mes online via internet, regla algu serka gobièrnu òf pa enseñansa òf kuido médiko. Bo por pidi bo DigiD via www.digid.nl.

Paga tinu: pa pidi un DigiD bo mester tin bo number di BSN (mira pregunta 1 aki riba).

HollandZorg – e asegurador na Hulanda ku ta ofresé un seguro médiko básiko hulandes (*Nederlandse basiszorgverzekering*) pa studiante konsiderá di ta **residente**. Pero bo ta liber pa sera un seguro serka un otro asegurador. Pa e posibilidatnan, wak www.zn.nl.

Verzekeringsplicht/Obligashon di seguro: si òf no?

Ora bo ta bai biba na Hulanda pa un periodo di 3 aña òf mas pa estudio i/òf pa biba, lo konsiderábo un “residente” i outmatikamente lo bo tin “verzekeringsplicht” (obligashon di seguro) i bo **mester** sera un “basiszorgverzekering” (seguro di kuido básiko di Hulanda). Si bo ta bai biba ménos ku 3 aña na Hulanda, na prinsipio lo bo **no** tin “verzekeringsplicht” (obligashon di seguro).

Pero paga tinu: si bo ta bai biba na Hulanda pa **menos** ku 3 aña i bo ta traha banda di bo estudio, bo tin “Verzekeringsplicht”/obligashon di seguro **tòg** i bo lo mester sera un seguro médiko básiko (*basiszorgverzekering*) denter di 4 luna. [Wak aki pa mas informashon.](#)

InsureToStudy – e asegurador na Hulanda ku ta ofresé e seguro *Masterplan+* pa studiante ku a base di nan Wlz-toets ta konsiderá di ta **no-residente**. Tambe, InsureToStudy ta intermediario pa e seguro di kuido básiko di HollandZorg.

SVB (Banko di Seguro Sosial) – E instancia na Hulanda ku ta realisá e seguronan sosial i entre otro tambe ta enkargá ku e Prueba di Wlz (Wlz-toets).

Wlz-toets – (Wlz ta para pa Wet-langdurige-zorg, Lei di kuido duradero) – esaki ta un prueba ku studiante for di Hulanda Karibense mester hasi

solamente si tin duda tokante su residencia a base di e asina yamá kontra-indikashonnan pa determiná si komo studiante di CN ta konsiderá bo un residente òf un no-residente.

ZJCN (Kuido i Hubentut Hulanda Karibense) – e ofisina ku ta regla seguro médiko pa e aseguradonan na e islanan Boneiru, Sint Eustatius i Saba, i pa e studiantenan di CN na Hulanda ku ta konsiderá no-residente. P’esei, bo por dirigí tur bo preguntanan tokante bo seguro médiko pa studiante tambe na ZJCN, via e meil StudentenBES@zorgverzekeringskantoor.nl.

Zorgverzekeringslijn (liña di seguro médiko)

Aki komo studiante bo por haña teps i konseho grátis tokante seguro médikonan na Hulanda, òf si bo tin pregunta. Manera por ehèmpel tokante e obligashon di seguro (verzekeringsplicht). Bo por yama nan grátis via number 0800-6464644 òf +31 88 900 6 960, òf manda nan un email via info@zorgverzekeringslijn.nl.

CHECKLIST – KIKO MI MESTER REGLA PROME KU MI SALIDA FOR DI BONEIRU?

1.

Sòrru ku bo tin bo BSN (burger service nummer). Si bo no a risibi’e via karta ainda, bo mester yama DUO via number di telefòn **00 31 505 997 755**. Bo BSN ta un number hopi importante. Sòrru pa bo skirbi’e un kaminda i tin e ku bo semper.

2.

Pasa serka ofisina di ZVK (Zorgverzekeringskantoor) pa bo prueba di seguro. En kaso bo lo mester di kuido médiko despues di bo yegada na Hulanda (te dia **30 di sèptèmber 2024**), bo mester por mustra e prueba aki. Pues sòrru ku bo tin e ku bo semper!

3.

Pasa serka Afdeling Burgerzaken (Kranshi na Boneiru) pa kanselá bo inskripshon den registro sivil.